



BREMANGER KOMMUNE
SENTRALADMINISTRASJONEN

Landbruksdepartementet
PB. 8007,
Dep,
0030 OSLO

03 2997	81
2003 ASR/B5	
Tilv	486

Løpenr.	Arkivkode	Avd/Sek/Sbh	Saknr.	Dato
007748/03	//	ADM/PLA/BHM	03/02458	Svelgen, 09.12.03

saksnr. 2003 02997

**FORSKRIFT OM TILSKUDD TIL NÆRINGS- OG MILJØTILTAK I
SKOGBRUKET.**

Merknader til einskilde paragrafar:

Kapittel 1. Innledende bestemmelser.

§1-1. Ingen merknad

§1-2. Virkeområde: »Tilskudd kan bare gis til tiltak som gjennomføres etter forskriftens ikrafttredelse»

Dette avsnittet må takast ut. Det er fleire aktuelle tiltak, spesielt på veg, som fell innafor rammene til denne nye forskrifta, som allereie er gjennomført ut frå dei forskriftene som gjeld i dag. Når endringane i tilskotsforskriftene skjer på sopass kort varsel som dette, vert det urimeleg at dei som har innretta seg etter i dag gjeldande forskrifter skal falle ut i ein overgang til ny forskrift.

Kapittel 2. Tilskudd til skogkultur

§2-1. Tilskudd til skogkultur. Det kan ikkje gjevast tilskot til planting, såing, kjøp av utstyr eller til tiltak som ved uttak av virke gir overskott.

Det må framleis vere høve til å gi tilskott til planting og såing i områder det er for dårleg økonomi ved slutthogst til at driftsnetto og skogavgift kan »betale» skogplanting. Det gjeld spesielt ved hogst i lauvskog. Kommunen må sjølv kunne prioritere dette dersom den ønskjer det.

Kapittel 3. Tilskudd til veibygging.

§3-1. Skog og utmarksresursar er sidestilt. Dette vil i mange tilfelle vere positivt og vil kunne stimulere til kombinasjonsvegar meir enn i dag. Reine skogbruksvegar kan få auka konkurranse om tilskot som i utgangspunktet er knappe og avgrensa.

Kontoradresse:	Postadresse:	Telefon:	Telefax:	Postbanken	Bankgiro:
Rådhuset	Postboks 104	57 79 63 00	57 79 63 01	7874.06 19666	3776.0750035

§3-2. Vilkår om byggeplan før ein kan starte arbeidet med ein tilskotsberettiga veg er greitt, men det bør vere opp til kommunen å setje krav der ein finn det naudsynt.

Kapittel 4. Tilskudd til miljøtiltak i skog.

Ingen merknader.

Kapittel 5: Tilskudd til andre tiltak i skogbruket.

§5-1. Det er ikkje anledning til å gi tilskudd til taubanedrift.

Taubanedrift skal framleis vere lovleg driftsform. Definisjonen på taubane er ikkje teke inn, men i noverande søknadsskjema går slepebane inn under kategorien lett taubane. I Vestlandsterrenget er dette ein naudsynt driftsform for å kunne utnytte resursane, og av mange sett på som miljøvenleg. Alternativet er auka krav om meir vegbygging. Avgrensinga i forskrifta i forhold til taubane må takast ut. Det må framleis vere høve for kommunane å stimulere slik drift framfor å gi tilskot til meir vegar i same område. Eventuelle uheldige sider ved taubanedrift må kunne handterast utan eit generelt forbod mot tilskot til slik drift.

§5-2. Det kan gis tilskudd til drift av tømmer med hest.

Presiseringa er positiv, men avgrensa til drift av tømmer. Tradisjonelt har omgrepet tømmer og ved festa seg. Dersom denne paragrafen er tenkt å gjelde all skogsdrift med hest må omgrepet tømmer bytast ut med skogsvyrke. For nokre kommunar kan dette bety ein del, medan det for andre ikkje har betydning.

Kapittel 6. Søknad og saksbehandling m.m.

Ingen merknader.


Ein reknar med at tilbakebetal tilskot etter §6-4 kan gå inn i tilskotspotten og nyttast til nye tiltak.

Kapittel 7. Opplysningsplikt og kontroll.

§7-1. 3.ledd. om høve til kontroll.

Ein rettvis kontroll føreset ei felles forståing av handlingsfridomen i forskrifta. Av omsyn til den einskilde tilskotsmottakar er det viktig at formuleringane i forskrifta ikkje gir kommunane rom for tolkingar som overordna kontrollinstans ikkje deler. Også av omsyn til likehandsaming kommunane i mellom er det viktig at forskrifta er presis nok. Tildelingsbrev og eventuelle utfyllande retningslinjer skal i tillegg til forskrifta gi reglar for forvaltning av tilskot. I Tildelingsbrev frå departementet for 2004 er det sett som vilkår at maksimalt 50% av tilskot til skogbruk skal kunne gjevast til vegbygging. Dette inneber ei sterk dreining vekk frå tilskot til veg i forhold til det som har vore vanleg i kommunane dei siste åra. Slik situasjonen i kommunen er no er det mykje større spørsmål etter tilskot til skogvegar enn 50% av tildelte skogbruksmidlar. 50%-regelen er enno eit døme på sentral overstyring av det lokale demokratiet og må takast ut, i alle høve i ein overgangsperiode. Det vil vere tilnærma uråd på kort sikt å auke tilskotsbruken til andre føremål enn veg opp til det nivå som trengs for å få tilfredstillande tilskot til vegar.

Med helsing


Kåre Olav Svarstad
- ordfører -


Bjørn Henry Martinussen
- fagkonsulent skog -